

հսկա է: Երկուսի գլուխն էլ ածիլած է, միայն գագաթներին թողած է մի-մի փունջ: Շալակներին բերում են արջ եւ որսի այլ կենդանիներ:

ՂՈՌՈՔՈՒՂԱ.– (Խորդալով ցած է դնում բեռը) Յրա՛մմ...

ՂԱՌԱՂՈՒՌԱ.– Յրա՛մմ...(Նոյնպես ցած է դնում բեռը:)

ՓԵՐԻՇԱՆ.– Մեծ ապեր, մենք բան գիտենք:

ՂՈՌՈՔՈՒՂԱ.– Յրա՛մ...Ի՛նչ,

ՓԵՐԻՇԱՆ.– Մարդահոտ է գալիս...

ՂՈՌՈՔՈՒՂԱ.– (Ցոյց տալով ձախ) Յրա՛մմ.. ա՛յ, Ղուզղունը բերում է, ճամփին գտանք: Յրա՛մ...

ՂՈՒԶՂՈՒՆ.– (Ներս է մտնում ձախից՝ շալակին Տերտերը:)

ՓԵՐԻՇԱՆ.– Բո՛, էս ի՛նչ բան է,

ՂԱՌԱՂՈՒՌԱ.– Ո՛ր քարշ տուիք սրան, հիւանդութիւն կրերի հետը: Տարեք դէ՛ն գցեք:

ՓԵՐԻՇԱՆ.– Ապի, ինձ տուէք՝ խաղամ:

ԽՈՉԵՆԻ.– (Մոտենալով Տերտերին, ժպտալով եւ հետաքրքիր նայում է նրան, եւ ապա գրկում ու գցում Ղորոնքի գիրկը:)

ՂՈՐՈՆԹԻ.– (Գցում է Ղուզղունի գիրկը:)

ՂՈՒԶՂՈՒՆ.– (Գցում է Ղառաղունայի գիրկը:)

ՂԱՌԱՂՈՒՌԱ.– (Գցում է Դանգիզի գիրկը:)

ՓԵՐԻՇԱՆ.– (Լաց է լինում) Վեա՛,

ՂԱՆԳԻԶ.– Փի՛, մեռելի հոտ է գալիս, դէ՛ն գցեք:

ՂԱՌԱՂՈՒՌԱ.– Ձո՛ւրդ գցեք, թող տանի...

ՂՈՌՈՔՈՒՂԱ.– ՉԵ՛Է՛... Կացեք բան պիտի հարցնեմ:

ՏԵՐՏԵՐ.– Ա՛ման, օրհնեալներ, բա՛ց թողեք, սիրտս կճաքի:

ՂՈՌՈՔՈՒՂԱ.– Կա՛ց... Ինչո՞ւ հարեւանութիւն չեք անում էլ... Ինչո՞ւ քանի օր է էլ աղ չեք ուղարկում մեզ... Յրա՛մմ...

ՏԵՐՏԵՐ.– (Վեր թռչելով) Բոլոր աղը մատաղի ենք տուել, օրհնեալ: Աղ չի մնացել:

ՂՈՌՈՔՈՒՂԱ.– Մատաա՛ղ... Յը՛, ի՛նչ մատաղ: Կա՛մ,

ՏԵՐՏԵՐ.– Մի քաջ մարդ է ընկել մեր աշխարհքը, մատաղ ենք անում աստծուն, որ նրա պատուհասից մեզ ազատէ:

ՂՈՌՈՔՈՒՂԱ.– Ի՛նչ մարդ է, անունն ի՛նչ է: Յրա՛մ,

ՏԵՐՏԵՐ.– Զաջ Նազար,